




TŌMITE MATA' EINA' A NO TE EA

Ia au i te 'Āmuitahira'a Aopapa no te Ea (OMS) ia tuatāpapahia te parau no te ea e'ere noa ia i te tumu parau no te ma'i, ia fa'ahiti-ato'a-hia ra te tā'ato'ara'a o te mau tumu e vai maita'i ai te tino, te ferurira'a e te orara'a tōtiare o te ta'ata.

E rave rahi mau tumu no te pāturu i te ea maitata'i, te vai ra te mau fa'anahora'a rau no te utuutura'a ma'i e te 'ohipa tōtiare, te peu a te ta'ata e te huru o tō na orara'a, te fa'anahora'a o te fenua e te huirā'atira, te orara'a 'āmui e te autaea'era'a, etv. E tau teie mau tumu pāturu ea ia au i te tau e te vāhi orara'a o te ta'ata. E'ere ia hō'ē ā huru te mau tumu pāturu ea i Rapa i tō Nuku Hiva, e mea ta'a'ē ato'a taua mau tumu i teie mahana i tō te tau a piti 'ahuru matahiti i teie nei. No te ha'amaita'ira'a i te ea, mea fītauhia ia fa'anaho-māite-hia taua mau tumu pāturu ea, e ia ha'amauhia te mau rāve'a nā te feiā tauto'o no te ha'amaita'ira'a i te ea o te huirā'atira



E ti'a i te mau 'oire i te tauto'o mai na roto i te ha'amaura'a i te mau tōmite mata'eina'a no te ea mā te turu-pāpū-hia e te Pū fa'aterera'a no te ea.

E aha teie tōmite mata'eina'a no te ea e, e aha tā na tuha'a 'ohipa ?

E fa'anahora'a te tōmite mata'eina'a no te ea i feruriria mai e te Pū fa'aterera'a no te ea, no te ha'amaita'ira'a i te ea i roto i te mau 'oire, na roto i te ha'amaura'a i te mau rāve'a e te fa'anahora'a i te feiā tūtava e tā rātou 'ohipa i terā e terā 'oire. Te fā a te tōmite mata'eina'a no te ea :

- te tuatāpapara'a i te mau tumu pāturu ea e ti'a i te hi'opo'ahia e i te ha'afaufa'ahia i roto i terā e terā 'oire, mā te rohi 'āmui e te Pū fa'aterera'a no te ea ;
- te ferurira'a e te ha'amaura'a i te mau rāve'a no te ha'amaita'ira'a i te ea ia au i te mau tumu pāturu ea i 'iteahia mai.

O vai mā te mau ta'ata i roto i te tōmite mata'eina'a no te ea ?

Peretitenihia te tōmite mata'eina'a e te Tāvana 'oire, 'are'a ra te mau mero no roto mai ia i te feiā e rohi ra i te pae no te ea i roto te 'oire iho. Nā te 'oire iho e fa'aoti o vai mā te mau mero o tā na e hina'aro ia fa'arī'ihia i roto i te tōmite mata'eina'a no te ea, 'ei mero ra e rohi nei i te pae no te araira'a e te ha'amaita'ira'a o te ea i roto i te 'oire. E ti'a teie mau mero i te mā'itihia mai roto mai i te mau fare ha'api'ira'a, te mau 'āmui'ara'a fa'aro'o, te mau tā'atira'a rau, te mau pū 'ohipa a te hau, te feiā tōro'a no te ea a te hau aore ra a te mau pū ti'amā, etv.

Te terera'a o te tōmite mata'eina'a no te ea ?

Ha'amauhia te tōmite mata'eina'a no te ea na roto i te hō'ē fa'aotira'a a te 'āpo'ora'a 'oire. Nā te tōmite mata'eina'a no te ea iho a terā e terā 'oire e fa'aoti i tā na fa'anahora'a e tā na tārena 'ohipa, ia ruru 'o ia e 2 a'e taime i te matahiti hō'ē. E ti'a āto'a i te hō'ē tā'atira'a o teie tomite ia 'ani i te moni tauturu i te Piha fa'atere nō te ea nō te fa'atupu i te tahi mau 'opu'ara'a fa'atiani i te ea o tei fa'aōtihia i roto i te tomite mata'eina'a no te ea.

No te mau tuha'a 'oire 'āmui :

E ha'apa'o ato'a te tōmite mata'eina'a a te 'oire rahi i te mau 'ohipa a te mau tuha'a 'oire ia au i te parau no te ea. E ti'a i te mau tōmite mata'eina'a iho i te fa'aoti i tā rātou fa'anahora'a 'ohipa, mai te ha'amaura'a i te pupu 'ohipa no terā e terā tuha'a 'oire 'āmui. Teie nei ra, nā te tōmite mata'eina'a rahi e ha'apa'o i te arata'ira'a o te mau 'ōpuara'a ato'a i roto i te 'oire e te tuha'a 'oire.

